

仙佛合宗語錄

伍太一十九問

法名太一官名達行字際可予之堂姪

一問曰仙道至要聞有三藥物火候與鼎器世有藥物鼎器失真者妄用女人為鼎交媾取精為藥已蒙指為妖人淫心邪說惑世誣人不足論矣

陳泥丸云身內夫妻實妙哉白玉蟾云薄福癡人不斷淫尾閭閉卻採他陰元陽搖撼無墻壁錯認黃泥喚作金 或問房術可致神仙抑可信乎抱樸子曰此妖妄之言由好事者增加潤色致令失實亦奸人造以欺世隱藏端緒以求奉養以窺世利耳大抵彼言御女而不知道而用之雖一二女亦

道藏輯要

仙佛合宗語錄

卒

畢集一

足以速死又云欲守交接之術以窺神仙愚之甚也 谷神篇曰旁門多技巧俱不免無常 玉皇本行集經云雜法開化有三萬六千種道雜氣普消吾真道乃行

今言精雖真而不得為真精用者願聞何旨答曰不得為真精用之違於妙者是言欲學清淨仙道者亦有已知未知兩端之不能用之故也一是未聞生有真時及其精真時至畢竟失於靈覺而神不配合為之主而不能留

精雖真者是人無淫念淫事而身心亦有虛極靜篤景象此是靜極而動之精甚真所謂人人本有者學者不得仙傳真中辨真之機乃不知我身中已有精生之真時是神無覺知

也神既失于靈覺則不用主宰乎採取配合之工以留此真而還于靜爲長旺後動漸採漸補之機所以云不得爲真精用者有此

一是聞知生精真時亦不實求身中生精真時

此卽儒書所謂思而不學則殆者

是故不得以神配合採取所宜之時所以不能得其精之真於當用不當用則或過早蒸嫩過遲蒸散而不能結金丹成大藥也

精生時人人皆有自然之真可辨而用若世俗愚人學旁門小術妄認爲仙道者其癡癡志得意滿不用此真則真固不

道藏輯要

仙佛合宗語錄

卷

六十三

畢集一

得用爲真矣也有談清淨大仙道者亦信奉經書以清爲真取真有信之言但不得仙傳辨至真於清真之法不能實求身中之清真是何時爲非嫩非老而用其不嫩不老之真以行採鍊則真精亦錯過而不得用及至所用者又非真必不能補精化炁而成金丹大藥所以不得爲真精用者又有此予謂無怪乎世人不知不能得用也蓋仙道乃天上所有而世間絕無唯仙真所知所用而世人無由得知用之天機也縱有虛聞而不能實用設或有一人知用是必前生有苦修之根今生自少至壯皆苦志精修不怠得天仙下降獨傳且囑之懇切者而後能用故我今囑後聖所以亦由是懇切也

後聖亦宜體究斯言

故彼盲修者俱已無成

此句總結上言二者

又問古人只言時至神知然神知之果又有知真時之妙乎答曰然

真精生時神固有知其機真於可用不可用之妙尤所當知又問真中辨真之祕妙固不敢輕聞我今願聞抑可得乎答曰道以勤求而聞以苦修而得當知此精生真時之道非世法中人所可知可有之道乃遺世苦志所有進修天仙聖真之道也實在大羅天三清四種民天三界外內三十六天尊帝聖真之

道藏輯要

仙佛合宗語錄

卷

畢集一

所共祕皆不輕洩者

按道藏度人上品妙經云四種民天以上之三清大羅在三界之外自二十八天以下之無色界色界欲界謂之三界內也最下之界六欲之六天一日皇曾天二日玉完天三日何重天四日平有天五日文舉天六日魔夷天此欲界之六天也中之色界有十八天第七日越衡天八日濛翳天九日和陽天十日恭華天十一日宗飄天十二日皇笏天十三日堂曜天十四日端靖天十五日恭慶天十六日極瑤天十七日孔昇天十八日皇崖天十九日極風天二十日孝芒天二十一日浮容天二十二日江由天二十三曰阮樂天二十四日

曩誓天此色界之十八天也并六欲界共二十四天也此以上之界無色界有四天故第二十五曰霄度天二十六曰元洞天二十七曰妙成天二十八曰禁上天此無色界之四天也合三界共二十有八天也三界之上則有四種民天第二十九曰常融天三十曰騰勝天三十一曰梵度天三十二曰賈奕天此四種民天之四天也此以上則有三清起下之太清大赤天也卽洞神此上名曰上清禹餘天也卽洞元此上曰玉清清微天也卽洞真故三清又名三洞洞者通也通達無窮也此以上則有大羅天言極高至大包羅眾天共三十六天也各有一帝又諸天靈書度命妙經云大羅天是五億五萬五千五百五十五天之上天也又按佛藏經言三十三天皆在三界之內而以外則無天之名但佛經由阿難所集記是凡夫學者之言道藏則由天尊上帝所說者耳所以天上天下萬古不輕洩之旨正在於斯絕與世間凡夫所談者不同故不有誰敢輕洩不有誰敢輕聞

玄科天律禁誡甚重犯者有風刀之考三塗之苦天仙有六通固自知人善惡而不輕洩卽有仙緣先得仙傳者亦不敢洩無真心堅志學道者固不敢容易輕聞每有災禍切身功德淺小者亦不能輕聞何以驗知昔有勤苦人幸得輕聞師道而卽易與人以輕聞遂至有得輕聞者葉莫徐三人皆卽

以痢速死而輕洩者亦屛血三年以是而知有前修今修者
福緣所繫最深重

所以世無金丹之道生不能長劫不能超者皆爲無此清真之
中又有辨其至清至真易修易成之仙機也

陳泥丸云修仙唯有金丹門金丹亦無第二訣所以爲第一
難遇者 顧與崧問曰至清至真何以爲易修易成之仙機
伍子答曰若不得至清至真卽是元炁不足無金丹之本任
人費多歲月採鍊炁皆不足所謂猶將水火煮空鑪原無飯
本之米如何煮得有飯出來故爲難修難成若知得至清至
真則可採得元炁之足者一採鍊卽一得何其易修每採鍊

道藏輯要

仙佛合宗語錄

齋

畢集一

皆得炁精漸漸滿而化炁足百日之內得至精無可採炁無可
化何其易成我固叮囑學者必要辨至清真

唯是至清真真陽之精生於虛極靜篤之時固曰清矣唯清固
真旣已清真便是可用之機若有仙傳能覺知者當其覺初覺
其炁之未甚足則不可必其急於用必要真覺其炁之真有足
則真足之炁方可補精化炁而還足本根之炁然炁精在稟賦
原本至足只緣愛慾淫妄而耗虧則有不足故欲補足所以必
取此根本足處發生者可爲補足之用以湊補爲稟賦靜體之
至足非至清至真之有足何以補得至足是以不得不覺求炁
足者此足炁人人本有欲取爲用人皆自有不待外求唯知足

者而後知得足則以覺神便主之爲配合採歸根而留能得足而成金丹大藥所以於清真必要辨至清至真之足也得足炁則得長生不死而仙矣知足炁亦知可必得仙矣必長生不死而不復投生矣世人只浮慕仙名虛稱學道亦終不知此理唯自家此精補精此炁補炁不必別行異術何其易修不過百日之工採取烹鍊築基成丹何其易成此所以爲真仙機也若傳不得于真仙知不明于正理行不合於仙機焉能得真精爲用故我冒犯天譴而輕語輕錄于世爲現在未來聖真說之能因名言以求法必得易修易成之實果剋日上升朝謁三清大羅矣我又囑諸後聖得句之後必當慎言密悟我雖出此多言不

道藏輯要

仙佛合宗語錄

卷

畢集一
X L X

過摹寫其粗迹指人以尋究之門令人人咸入正道易於修證不致誤歸老死効力於呂祖所謂度盡眾生之意耳每遇後學入道之淺信道不篤學道不專之人雖能問爲所以辨我則猶是遵天科誠而應之曰別有辦法非敢戲論更不敢因其懵然泛問而遂輕言

此所言者是修仙一定之理不敢言者是眞修實悟之機必後聖能勤苦參究奉持禁戒體天行道有功行不退忘者奏告上界而奉天傳道可也故馬丹陽云天機未敢輕分付細細看眼悟不悟遇有艱難不憶家恁時指汝長生路薛道光云休將大道付人情又云堪憐自古神仙輩時故如愚不作

言禪宗和尚亦云寧可將身墮地獄不將佛法做人情鍾離
真人云三清祕密之事忘言忘象無聞無應恐子之志不篤
而學不專心不甯而問不切彼此各爲無益

此而若有輕言言者聞者皆有天責

言者犯漏泄天機之罪聞者犯無德無志不足以載道凡欲
學道必先持齋戒精勤參悟奏告上帝帝命仙度而亦有成
如有不奏告而敢私相授受者則泄道及竊道之罪尤速矣

三元品誡經云或得仙經妙法妄傳非人之罪傳授經法
不爲宿奏諸天盟告五帝三官不合儀典之罪或妄解經義
不合聖心並屬天官三十六度風刀之考又云洩漏神仙祕

道藏輯要

仙佛合宗語錄

矣

畢集一
X川X

術寶藏靈書之罪或妄造經論毀謗玄元聖道之罪並屬三
元靈曹考之

前聖有犯已獲禁誡之報者詳傳記中久矣

茅君曰華僑漏泄天文妄說虛無乃今父子被考於水官張
紫陽真人三傳非人三遭天譴李虛菴真人輕言于葉莫二
人之非者遂有大便痢血三年之責而葉莫皆以病死

而可不知天律禁重哉然而後世真心悟道者出吾又不知恐
其無以爲辨有慈悲救世者出吾又恐其無徵不能見信故必
留此一語以爲綱目以待後來聖真之憤悱者

二問曰古云聖人傳藥不傳火從來火候少人知